

# CAPUT V.

*De Societate familice sive domus,  
& de jure successionis.*

## §. I.

*De natura & fine societatis familiae.*

**T**res in præcedentibus Societas perlustravimus, singularum naturam, finem, jura, & obligationes expendendo. Tres istæ societas, *conjugalis* nempe, *parentalis* & *herilis*, confluere possunt in societatem unam mixtam sive compositam 1. ex conjugibus, 2. ex parentibus & liberis. 3. ex dominis & servis. — Societas hujusmodi vocari adsolet *Societas domus* sive *familiae*, quia integrum constituit familie cœtum. — Quod si tres præmemoratae societas simul concurrant in unam, societas familie *completa* habetur; si verò aut conjugalis & parentalis sola, aut conjugalis duntaxat cum herili, dum nempe nulli existunt liberi, aut parentalis sola cum herili, ob unius conjugis mortem, in domo inveniantur, erit societas *composita* familie *incompleta*.

Quælibet societas suis gaudet juribus, obligationibus & fine. Jura & obligationes societatis familie in hanc transeunt ex juribus & obligationibus societatum illarum, ex qui-



quibus componitur. Dum insuper plures simpliciores societates coalescunt in unam compositam, simplicium leges non cessant. Quoniam tamen societas familiæ tanquam una, eadémque distincta concipienda venit; hinc & peculiari suo fine gaudet. Finis iste consistit in communi familiæ felicitate, ad quem proinde scopum adsequendum concurrere debent singuli societatem hanc componentes.

## §. II.

### *De officiis societatis familiæ.*

**U**ti personæ, ita & jura & obligationes societatis domesticæ sunt diversæ: unde quilibet pro ratione conditionis statusque sui ad promovendam communem societatis felicitatem contribuere tenetur.

Societas porro domestica sive familiæ est inæqualis & rectoria; quia in eâ reperiuntur capita imperantia subjectis; videlicet pater & m̄terfamilias relatè ad universa familiæ membra. His ergo subjecti sunt filii- & filiæfamilias, domestici & famulantes quicunque — Liberi in servos per se se nullam habent potestatem: hæc tamen à parentibus ipsis delegari potest, maximè in eos, quos ad servitia sua propria habent destinatos.

Verbis profectò gravissimis officia capitum familiæ proponit & urget *Doctor gentium:*  
“Si-



“ Siquis suorum , & maximè domesticorum  
“ curam non habet , fidem negavit , & est  
“ infideli deterior , . I. Tim. V. 8.

Cura hæc veluti in societatibus præmemoratis aliis , ita & in hac adficere debet felicitatem tum temporalem , tum æternam familiæ . — Cæterum recte inquit Cl. de Martini “ Mutua patris - ac matrisfamilias inter se officia ex salute rei familiaris determinari debent : quare peccant familiæ capita , si alter alterius auctoritatem imminuat , si educationi liberorum , aut servorum correctioni sive incuria , sive malo exemplo injiciat impedimentum , si denique crudelitatem liberorum in servos , aut servorum nequitiam , quæ liberorum mores corrumpunt , impunem esse patientur „ . De Soc. Cap. XXVII. §. DCCLXXXI.

### §. III.

#### De Jure Successionis , Notione & Effectu Testamenti.

Discussio juris succedendi in bona fortunæ aut per testamentum , aut ab intestato , opportunum habet locum sedemque competentem in jure sociali ; postquam nempe societatis familiæ notionem , proprietates & conseq̄tia expendimus .



Duplex illud succedendi genus igitur eatenus hoc loco examinandum, quatenus attenditur, quid præcisè in vim juris naturæ isthac in materia justum sit aut injustum; reliquis juris positivi constitutionibus ad sua loca remissis.

Quilibet plenum habens proprietatis dominium, de re sua disponere potest; eam proinde polliceri potest alteri tam in præfens, quam in futurum, tam sine, quam cum conditione. Sub ratione expressæ declarationis, qua dominus per conditionem mortis ex una, atque per conditionem non revocatae voluntatis ex altera parte, bonorum suorum hæredem instituit, passim intelligitur *Testamentum.*

*Puffendorfius* in *Jur. Nat. & Gent. Lib. IV. Cap. X. §. 3.* definit *testamentum*, seu ultimam voluntatem, quod sit “ Declaratio voluntatis nostræ circa successores in bona nostra post mortem nostram; quæ tamen ante mortem nostram pro lubitu nostro sit mutabilis & revocabilis, & ex quæ aliis demum ab excessu nostro jus nascatur. ”

*Testamentum* igitur ex indole sua mutabile est sive ambulatorium usque ad supremum vitæ excessum sive exitum; eatenus quidem, ut nullum jus in re, nullum quoque quæsitum in hæredem transferat viventem.

te adhuc testatore: qui proin semper illud mutare, penitus rescindere, novum condere, aut, si vèlit, ab intestato decedere potest, quin hæres semel in testamento scriptus, eum de injuria convenire valeat.

Rem hanc expendit *Heineccius* sequentibus verbis: "Testamentum ex conceptu juris consultorum est solemnis declaratio voluntatis de universa hæreditate, omnique iure, quod testator tempore mortis habitus est, post ejus mortem in aliud transfiguro: ideoque vivo testatore nihil juris in hæredem transit, imò ne spes quidem tam certa, ut ea decollari non possit; sed testatori, dum anima est, prius consilium damnare, rescissisque ac ruptis prioribus tabulis, vel novas facere, vel intestato decedere licet. Hinc notissima juris axiomata: voluntatem hominis esse ambulatoriam usque ad mortem: ultimas tantum ceras ratas esse debere, quæ morte firmantur: vel, uti *Quinetii Decl. CCCVIII.* loquitur: illud tantum valere testamentum, post quod nullum testamentum sit. „  
J. N. & G. Lib. I. Cap. XI. §. CCLXXXVI.

## §. IV.

*Quo jure Testamentum transferat hæreditatis dominium.*

**T**estamenta firmari per mortem testatoris, asseritur universem: verum haud exigua est



quæstio, unde mors testatoris vim habeat  
firmandi testamentum, quod, modo hucus-  
que explanato, antea infirmum erat? Quæ-  
ritur ergo, an effectus iste ex jure naturæ,  
num verò ex solis legibus positivis derive-  
tur? — Testatorem pro toto vitæ suæ tem-  
pore nullum bonorum suorum dominium  
transferre in hæredem, passim admittitur;  
eundemque iam vitâ functum inhabilem esse  
ad transferendum dominium bonorum in hoc  
sæculo relictorum, manifestè deducitur ex  
eo, quod defuncti bonorum fortunæ non  
retineant dominium proprietatis; quamvis  
enim immortales sint hominum mentes, ne-  
mo tamen inde deduxerit, eas corporum  
vinculis exsolutas rerum temporalium olim  
suarum retinere dominium.


*Grotius* ut præmemoratum effectum ex jure  
naturæ derivet, tradit sequentia: “ Scien-  
“ dum est, cum de alienatione agimus, sub  
“ eo genere nobis etiam testamentum com-  
“ prehendi. Quanquam enim testamentum  
“ ut actus alii, formam certam accipere pos-  
“ sit à jure civili, ipsa tamen ejus substan-  
“ tia cognata est dominio, & eo dato, ju-  
“ ris naturalis; possum enim rem meam  
“ alienare non pure modò, sed & sub con-  
“ itione, nec tantum irrevocabiliter, sed  
“ ex revocabiliter, atque etiam retentâ in-  
“ terim possessione, & plenissimo fruendi  
“ jure. Alienatio autem in mortis eventum  
“ ante eam revocabilis, retento interim jure

" possidendi ac fruendi, est testamentum. „ De  
Jur. bel. & pac. Lib. II. C. VI. n. 14.

Hæc Grotii definitio testamenti passim re-  
pudiatur ab aliis, veluti & inde deducta pro-  
jure naturæ in hac causa resolutio. — Et jure  
quidem meritò; quis enim non intelligit, fal-  
sissimum esse, quòd testator, si non aliter,  
quàm per ultimam voluntatem disponit, so-  
lum *jus possidendi ac fruendi* retineat? Certè  
plenum dominium, atque omnia dominii con-  
fœtaria retinet unà cum jure vindicandi rem  
ab unoquoque, ipso etiam ab hærede, ut  
pote qui & nullum penitus usque adeo *jus*  
*quæsitum*, multò minus *jus proprietatis* in  
bona testatoris viventis habet.

Pariter causam hanc ad *jus naturæ* redu-  
cere connititur *Cl. de Martini*, Cap. XXVIII.  
§. DCCLXXXVIII. ita differendo: " Sunt igi-  
" tur testamenta *juris naturalis* eo sensu, ut  
" habitâ defuncti dispositione reliqui homines tenean-  
" tur à defuncti bonis abstinere; ita, ut hæres ex  
" testamento post mortem testatoris pro *jure*  
" hæreditario conditionato & revocabili *jus hære-*  
" *ditarium purum*, plenum & irrevocabile na-  
" ciscatur. "

Verùm cum venia clarissimi viri dixerit  
quòd reliqui homines quidem teneantur, à defuncti  
bonis abstinere, habitâ nimirum defuncti disposi-  
tione; ast non alio ex capite; quam, quia tunc,  
secutâ nimirum testatoris morte, hæres bono-  
rum



rum illorum dominus constituatur: adeoque ratio adlata nihil determinat. Dein constat ex prioribus, nullum penitus, proinde ne *conditionatum* quidem *jus hæredi competere ante mortem testatoris*; per consequens neque ex hoc evinci quidquam potest.

Cœterum ad hunc quæstionis statum debet illustrandum *Cl. Zallinger* rectè statuit & distinguit sequentia: “ Fieri potest, ut moriens de rebus suis disponat per aëtum *inter vivos*, qui aëtus firmitatem habet ante mortem, etsi fortè traditio differatur usque ad even- tum mortis: est hæc *dispositio morientis*, & qua plurimum differt *dispositio mortis causâ*; uti sunt testamentum proprie dictum, co- dicillus, substitutio, legatum, donatio mor- tis causâ. Hæc enim, quamdiu nomen suum & naturam ultimæ voluntatis habent, nihil juris transferunt in hæredem, vel lega- tarium, aut donatarium, sed revocabilia sunt liberrimè, ita, ut non modò traditio, sed etiam perfectio aëtûs suspensa usque ad mortem debeat intelligi. ” Lib. I. J. N. priv. cap. XIV. §. CXIX.

His præmissis facile largimur translationem dominii per testamentum remotiore hac ratio- ne in natura fundari, ut æquitati naturali om- nino consonum sit, relictorum à testatore do- minia rerum transferri ad eum, quem ipse, eum viveret, suorumque adhuc dominus esset bo-

bonorum, suum in bonis successorem, sive eorum hæredem voluit atque designavit.

Verùm de causa *immediate* translatīva dominii quoad præsens resolvimus, quòd ultima voluntas quæcunque vim & efficaciam transferendi dominia rerum non habeat à naturali, sed positivā lege humanā; cùm enim ad transferenda dominia in vim juris naturalis absolutè requiratur & voluntas, & potestas transferentis pro illo temporis puncto, quo fit alienatio, cùmque testator vivens non habeat voluntatem pro hujus vitæ tempore sua bona transferendi & alienandi, & mortuus idipsum præstandi non habeat potestatem, consequens est, quod translatio isthac per legem naturalem non perficiatur.

Quare etiam Heineccius in rem hanc ita personat: "Enimvero hujusmodi testamentum non esse juris naturæ, facile unusquisque intelligit; quamvis enim solemnitates actui tam serio, rotque exposito hominum fraudibus adhiberi facile patiatur recta ratio: contradictionem tamen implicare videtur, hominem aliquid velle in illud tempus, quo velle (*in hunc effectum temporalem*) non possit, & dominium rerum suarum tum demum in aliud translatum cupere, quando ipse non amplius earum sit dominus: quod sane tam à recta ratione alienum est, ut ipsi Romani non nisi meritis fictionibus tantam contradictionem tolli pos-



“ posse faterentur. . . . Hinc singebant,  
“ idem esse momentum testamentifactionis  
“ cum momento mortis: idem quoque esse  
“ momentum mortis cum momento aditio-  
“ nis, quippe quod per fictionem ad mo-  
“ mentum illud mortis retrotrahebant.”  
J. N. & G. C. XI. §. CCLXXXVII.

Ex his ramen non nisi perperam & inep-  
tè quis inferret: ergo hæreditatem devolve-  
re in manus hæredis instituti à nudo pen-  
det particularium imperantium arbitrio. Nam  
præter id, quòd in hanc rem naturalis sub-  
intret æquitas, sanctissimæ quoque ac jus-  
tissimæ sanctiones universales suffulciunt hæ-  
redes debitè institutos, quibus proinde, not-  
item aliis, relicta hæreditas tradenda est.

## §. V.

### *De Successione ab intestato.*

**U**ntrum successio ab intestato, ea nimirum;  
quæ sine expressa dispositione defuncti lo-  
cum obtinet, potiorem in jure naturæ se-  
dem habeat, quam testamentaria, nova quo-  
ad præsens oritur quæstio. Singularem pa-  
rentibus vi juris naturæ impositam esse curam  
liberorum, & liberis vicissim erga parentes,  
etiam in rebus ad vitæ sustentationem neces-  
sariis & utilibus, saepe notavimus. Idemip-  
sum sensu magis temperato extendi certâ  
ra

ratione potest ad propinquos sive descendentes, sive ascendentibus, sive collaterales.

Jus quæsitum in bona parentum compete-re liberis passim admittitur: num verò jus illud in natura quoque fundatum sit, dubi-tatur à nonnullis. Resolvendum tamen om-nino videtur, quod providus naturæ auëtor, qui fœdus percussit indissoluble inter paren-tes & liberos, ac mutua utrimque jura san-civit obligationesque, jus illud quæsitum quo-que fundaverit, utpote sine quo tum paren-tum, tum liberorum debitè haud posset pro-videri indigentiae, ipsis nempe adtentis na-turæ legibus. Quemadmodum igitur amor in parentes, liberos, atque propinquiore-s naturalis est; ita & amoris istius effectus, provisio nimirum de mediis ad honestam vi-tæ transactionem necessariis & competenti-bus, naturalis esse videtur.

Quoad personas ab intestato succedentes & ordinem huc spectantem generatim ha-benda est ratio lineæ rectæ descendantium, lineæ rectæ ascendentium & lineæ collatera-lis: statuitur nempe passim, quod defunctis parentibus meritò succedant filii & filiæ, & quidem in *capita*, porzione nimirum æquali; quia eadem pro omnibus naturæ obtinet ra-tio. — Quodsi ante patrem aut matrem moriatur filius aut filia prolem relinquens, ho-rum jus hæreditaritum ad sobolem transmis-titur, utpote quæ defunctum patrem aut ma-

matrem *repræsentat*, atque hoc repræsentationis jure succedit avo vel aviæ in partem, quam obtinuissent parentes, sive in *stirpes*. — Descendentes si nulli existant, hæreditas devolvitur ad ascendentes pro ratione propinquioritatis; & si desint etiam ascendentes, collateralibus pro ratione ordinata graduin tribuitur locus. — Generatim igitur cognati à successione ab intestato excludunt extra neos; & ex cognatis propinquiores præferringi sunt remotoribus: æquales denique, sive ejusdem gradus & lineæ, simul & æqualiter ad hæreditatem sunt vocandi.

Hæc de quatuor societatibus minoribus diæta & stabilita, sufficientia sunt.



B.I.G.



## Grauskala #13

A 1 2 3 4 5 6 M 8 9 10 11 12 13 14 15 B 17 18 19

64  
ma  
nis  
qua  
l  
dev  
pin  
col  
tri  
ti  
ne  
re  
fiv  
lite

di

sentatio  
partem  
in stirpes  
æreditas  
one pro  
endentes;  
graduum  
r cognata  
nt extra  
s præfe  
denique,  
& æqua-

minoribus